

四庫全書

史部

欽定四庫全書

欽定八旗通志卷九十九

學校志六

順天府學生員

順治八年三月吏部言旗下子弟率多英才可備
循良之選但學校未興制科未行耳

先帝在盛京愛養人才開科已有成例今日正當舉行臣
等酌議滿洲蒙古漢軍各旗子弟有通文藝者提

學御史考試取入順天府學鄉試作文一篇會試
作文二篇優者准其中式照甲第除授官職則人
知向學進取有階矣

詔從所請

是年題准滿洲蒙古漢軍子弟歸順天府考試共
取生員三百名滿洲一百二十名蒙古六十名漢
軍一百二十名其滿洲蒙古子弟令內院禮部會
同考試通滿漢文者繙譯漢字文一篇通滿文者

欽定四庫全書

欽定八旗通志卷九十九

學校志六

順天府學生員

順治八年三月吏部言旗下子弟率多英才可備
循良之選但學校未興制科未行耳

先帝在盛京愛養人才開科已有成例今日正當舉行臣
等酌議滿洲蒙古漢軍各旗子弟有通文藝者提

作滿文字一篇漢軍子弟令順天學院考試與民
童一體出題

九年題准漢軍考取廩膳生員二十名增廣生員
二十名不論旗分聽學院考取歸併順天府學照
例每歲出貢二名其漢軍廩生俱有圈撥地畝不
給廩餼

十三年題准減定考取生員名數滿洲八十名蒙
古四十名漢軍一百名

學御史考試取入順天府學鄉試作文一篇會試
作文二篇優者准其中式照甲第除授官職則人
知向學進取有階矣

詔從所請

是年題准滿洲蒙古漢軍子弟歸順天府考試共
取生員三百名滿洲一百二十名蒙古六十名漢
軍一百二十名其滿洲蒙古子弟令內院禮部會
同考試通滿漢文者繙譯漢字文一篇通滿文者

十四年

諭停止八旗考試

康熙六年題准八旗有願作漢文考試者各都統
開送禮部移送順天學院以滿洲蒙古另編一號
漢軍與漢人同場考試文優者即入順天府漢生
員額數內

九年題准八旗滿洲蒙古取生員四十名漢軍取
生員四十名

又題准滿洲蒙古漢軍應試者照漢童生例禮部
轉劄順天府府丞先行錄取移送學院考試

十年議准漢軍照舊例出貢滿洲蒙古既作漢文
一體考試亦照漢軍例設廩生二十名增生二十
名每年出貢二名

又議准八旗新舊生員內通行選拔文行兼優者
滿洲蒙古起送二名漢軍起送二名入監肄業

互見

國子
監

十二年題准八旗照漢人生童歲科兩考例一體
考試

十五年十月議政王大臣疏言

朝廷定鼎以來雖文武並用然八旗子弟尤以武備為
急恐專心習文以致武備懈弛今值用武之際若
令八旗子弟仍與漢人一體考試必偏尚讀書有
誤訓練現今將每佐領下一人在監肄業已自足
用除現在生員舉人進士錄用外嗣後請將旗人

考試生員舉人進士暫令停止

詔從之

二十六年

恩詔八旗准同漢人一體考試遵

旨議定滿洲蒙古照舊例取生員四十名漢軍減二十名
二十八年三月兵科給事中能泰疏請考取滿洲
生員宜試騎射

諭曰騎射本無礙學問考取舉人進士亦令騎射倘將不

堪者取中監箭官及中式人一併治罪

是年定滿洲蒙古生員設廩生二十名增生二十
名每年出貢二名漢軍生員設廩生十名增生十
名每年出貢一名

三十三年題准八旗滿洲蒙古原額取生員四十
名今將鑲黃等三旗內府滿洲佐領管領并五旗
王府內滿洲佐領俱歸併八旗滿洲蒙古考試應
將八旗滿洲蒙古生員量增二十名共取進六十

名又八旗漢軍原額取生員二十名今將鑲黃等
三旗內府漢佐領并五旗王府內漢佐領俱歸併
八旗漢軍考試應將八旗漢軍生員量增十名共
取進三十名

六十一年奉

恩詔直省儒學增廣學額一次大學加取七名中學加取
五名小學加取三名隨於次年議定滿洲蒙古照兩大
學加取十四名漢軍照一大學加取七名

雍正元年正月奉

上諭八旗舉人生員內有在護軍執事人行走者俱著退
回若係生員給與二兩錢糧米石係舉人給與三兩錢
糧米石令伊等得以讀書

二年覆准八旗秀才

特恩給與錢糧養贍讀書若無考校恐或怠於誦讀令該
旗都統於歲考前將領錢糧秀才備造清冊咨部
轉送學政照考漢秀才例嚴加校閱考居前等者

照常給領居四等以下者停其給發遇下次考居一等二等三等照漢廩生開復例仍給原領錢糧如四等不願再考即將學冊除名聽其復歸護軍驍騎當差

是年八月提督順天學政吳襄奏言滿洲蒙古漢軍生員科歲兩試理應遵例赴考查歷年考冊生員歲考者不及十分之一其不赴科考者該教官概以考試載入冊內仰請

勅下八旗都統嗣後遇歲科兩試之期交各佐領務將生員催令赴試如有患病等實情令預行呈明該教官轉為詳報無故不赴試者即行褫革其駐防別省官兵之子弟亦令造冊詳報照例補考再入旗漢軍武生亦多不赴歲考嗣後除隨往外省駐防者該教官造冊報名外其在京之武生務令赴試如有患病亦令據實呈報有擅行規避不考者照例革退至生員年老有疾者照漢生員例告休給

衣頂註冊其武生亦照此例舉行再直省廩增額
數府學四十州學三十縣學二十順天府學因兼
大宛二縣廩增各八十今八旗滿蒙廩增各二十
名漢軍廩增各十名八旗入學額數倍多於外府
州縣而廩增額數不但少於順天並且不及外府
州縣人多額少似屬不均請照漢生員例斟酌增
補禮部兵部議覆俱如所請其廩增之額應於原
額外滿洲蒙古各加四十名共各六十名漢軍各

加二十名共各三十名奉

旨依議

四年六月吏部議奏八旗生員雖屬順天府教授
管轄但漢教授並不將旗下生員與漢生員一例
教訓考試則生員等何以知所勸懲請於順天府
學添設滿教授一員訓導一員禮部由滿洲進士
舉人貢生內考試擇其文理優通者擬定正陪咨
送臣部帶領引

見補授係進士舉人以為教授係副榜貢生以為訓導令其每月考試文章兼考騎射如生員內有文理不通行止不端者令教授詳學臣革退如教授等有懶惰弱職者令學臣順天府府丞題叅奉

旨依議

謹案是年以正紅旗滿洲副榜貢生洪德元為教授鑲白旗滿洲副榜貢生海齡為訓導洪德元恭紀本末勒石學宮文曰
國家建立學宮宏獎士類訓飭培養之法超越歷代宇內讀書敦行之士彬彬雅雅儲才以待用者不可勝紀我

皇上御極之初即躬詣太學降輦趨拜行釋奠禮

命司成講學諸生園橋門而聽者數千人蓋聖心於人材最重故典禮為獨優也臣竊惟八旗多士半

出於功勲之子弟而肄業又兼騎射文章故從前秉鐸者往往不能董率然考諸周禮師氏之職凡國之貴游子弟學焉又大胥之職春合諸學秋合諸射以考其藝而進退之王制曰習射上功習鄉尚齒射義曰諸侯歲獻貢士於天子天子試之於射宮後世教士之法浸以文重而古制不講久矣夫元老可為師中之文人侍從可為疆圉之扞禦井田可寓營陳樽俎可以折衝安在志正體直之道非學宮所當習而勲舊之裔不可以詩書羽籥造就之以成其材歟方今

聖天子鼓舞作人之化視滿漢為一體文治光華徧於六合當茲

特設滿洲儒學德元等首膺董教之任敢不欽承
睿慮殫心竭力使多士遵循砥礪乎今酌定考課之法每
月課文於貢院較射於太學文非徒採觚為立言
立德之本射不惟中的有比禮比樂之方既以涵
養其內復以整束其外俾學業日富品行日端異
時為鹽梅立勲伐皆基於此夫

聖天子興賢建學之至意千萬世率由無斁是宜勒石以
垂後且使多士於藏修游息之地肅然若有所觀
法而不敢視為故事將必交相勸勉而人材輩出
然則

帝澤之霑被寧有涯涘哉

五年三月奉

上諭士子讀書應試須專心講習方可望其成就八旗舉

人生員內在護軍執事行走者朕念其用度艱難恐致
紛心是以於雍正元年特加殊恩令其退回仍賞給錢
糧養贍俾得專心讀書勉勵上進庶國家可收得人之
益今已三年有餘其中或有年力衰邁及不肖之人徒
領錢糧無志上進虛糜國帑者亦未可知若不加考課
分別勤惰無以鼓勵人材著查弼納查郎阿於會試後
將八旗滿洲蒙古舉人生員漢軍舉人查明人數請題
考試其考試官將應行開列人員請旨派出分別等第

並驗其人品優劣具奏

七年八月都統朱之璉奏言竊查外省考取童生
定例皆從縣考府考方送院考至於旗下考取童
生向來叅領佐領無考取之例只據本人所具之
呈轉呈都統咨送學院此內有文理不通不能完
卷者或托人頂名代考或夾帶文章入場情弊多
端積久難除臣請嗣後凡旗下考送童生亦照外
省考試之例先於本佐領考取送本管叅領該叅

領考取轉呈本旗都統咨送學院俟入場之日各
佐領率領領催送考合同點名搜檢入場以杜頂
名代考夾帶等弊或有不法之徒仍前作弊叅佐
領不行查出一併治罪庶積弊可以永除矣奉

旨所奏甚屬可嘉著照所請行

九月禮部議覆都統德成奏八旗遇考試文生員
舉人進士之時俱令射馬步箭此係

大典攸關既定有考試日期其咨取名冊之處亦不

可不定以期限請嗣後禮部於四個月以前行文該旗咨取考試人等名冊該旗於部文到日即將姓名年貌清查造冊於兩月以前送至禮部禮部即會同兵部將應試人等之旗分姓名年貌明白查對若該旗故意遲延逾限者禮部即據實叅奏若係該旗遺漏錯悞者監箭大臣查明叅奏其遺漏之人仍令考試等語應如所請施行再查科考之年學臣於六七月間始行考取生員於八月即

入場鄉試為日無多不可拘定四月兩月之限應
於科考後該旗作速造冊送部轉送兵部考試馬
步箭又奏稱內府莊頭子弟係莊屯居住者臨考
之際叅領不能認識恐不無代考之弊等語亦應
如所請嗣後遇考箭及入場考試之時每旗添叅
領一員令每佐領管領下之領催等將考試之人
帶往叅領前認識驗看再將派出之叅領領催等
職名及考試人等名冊同送禮部禮兵二部查對

時亦將伊等傳往公同查對俾不得遺漏錯悞射
畢入場之時亦令原派出之叅領領催等驗看送
入若派出之員有不到者該部即行題叅又奏稱
向例未至十五歲之人俱不令射馬箭惟射步箭
等語亦應如所請倘有嫻習馬射之人情願射馬
箭者亦准考試馬箭可也奉

旨依議

十年七月內閣中書常鈞奏言嗣後八旗將考童

生之時請令該旗先期申請本都統知會翰詹衙門派科甲出身滿洲官一員會同佐領叅領面同考試既可以稽其頂冒之弊又可以別其文藝之優劣經吏部議准奉

旨依議

十三年六月順天府府丞周紹龍奏言伏查直省州縣歲科考取童生例由各學廩生出具保結方准錄送學臣該廩生當堂識認以杜頂冒等弊遵

行已久惟八旗童生例由八旗都統考送臣接禮部劄付方准府考錄送學臣每逢歲科兩試各旗只派章京一員識認每旗童生不下百十餘名其中旗分與管領佐領所轄不一章京一員臨時倉卒安能一一詳審且因循已久八旗內章京亦有不到者臣甫經到任留心體察府試該童是否名冊的身臣實無憑稽查就中讀書向上者固不乏人而希圖倖進頂替之弊恐亦難保必無以臣愚

見各該童生報名旗考照漢學例取具本旗廩生
認結都統將名冊一齊送部臣及學臣考試時令
滿學教官二員帶領各廩生當堂識認倘有頂替
將廩生一體治罪現今旗考已過臣府試與學臣
錄科俱已屆期伏祈

皇上諭令八旗都統補取各該廩生認結限十日齊備送
至禮部臣接准禮部劄付考試廩生當堂識認似
屬妥協是旗考時歷經各旗叅佐領保送臣與學

臣考試又有各旗廩生認結則弊竇可以肅清於
八旗人才實有裨益矣奉

旨所奏是著照所奏行

乾隆九年八月奉

上諭國家賓興大典原欲得品行端方文學優贍之人
以為朝廷有用之材成菁莪棫樸之治無如科場中
易藏弊竇我

皇考加意整頓數科以來內簾之關節已覺肅清而外簾

夾帶等弊一時難除近則日益加甚朕早已聞知屢行申飭至再至三並非不教而罰也今當鄉試之年又復先期告誡以為若輩自謹遵功令痛自悛改矣乃昨日頭場點名朕命親近大臣數人前往監視竟搜出懷挾二十一人或藏於衣帽或藏於器具且有藏於褻衣禪袴中者其喪心無恥至於此極朝廷之取士蓋欲用之也既欲用之朕安肯不重待之乃朕欲重待之而若輩自輕自賤若此以稱先法古之徒

竟同鼠竊狗偷之輩冥頑不靈不可化誨若不立法
嚴查則諸弊何由而除真才何由而見若欲擇人而
施又何從預知其情弊之有無而為之區別乎滿洲
原有呈身之路弓馬技藝何者不可見長而必勉強
於文場以思僥倖於萬一既欲讀書取進則當潛心
於學恥為穿窬至於江浙之人未必不能作文而乃
存弋獲之心為苟且之計以致惡習相沿視為泛常
違條觸法而不知虧體辱親而不顧士習日壞風俗

日滴朕於執法之際實惻怛哀矜而深以不能化導
抱愧於心也查懷挾生員內同陵泰乃少詹事僊保
之子生員圖敏乃原任禮部郎中穆臣之子伊等平
日既不能教訓其子又復縱容犯法咎亦何辭科場
懷挾原有處分父師之例茲特申明其令僊保穆臣
俱著交部嚴加議處嗣後倘有犯者將父師一併查
究今年懷挾如許之多而從前各科悲皆朦混了事
著將乾隆元年以後監試之御史除內簾外俱交部

查出議處

三十二年二月奉

上諭御史湯世昌奏學政莊存與考試滿洲蒙古童
生因不能傳遞擁擠鬧堂一案朕以滿洲蒙古童生
皆世受恭養之人乃不知遵奉教約恣效外省惡習
此於八旗風俗大有關係不可不嚴行跟究始意亦
不過欲究明情節將為首者發巴里坤為從者發拉
林種地以示懲創乃派出查審之大臣於案內情事

並未嚴行窮究而擬罪之處又不允當所審皆旗人故不能不掣肘而朕豈肯一任其意存瞻徇顛預了事耶當經親臨覆試隨獲夾帶如許之多因復親加鞠訊務得情實而童生海成係包攬傳遞首先倡議鬧場之犯一聞覆試輒將鬧場時帶出之卷倩人補作捏飾投遞希圖狡脫已屬刁頑至在場放鴿傳遞包攬受賄各情業經羅保等供證確鑿乃於朕前又復挾仇誣陷和安肆其狡獪抗不吐實及加嚴訊而

狂悖無禮竟有何不殺了之語滿洲世僕中有此等
敗類斷不可留矣因降旨將伊正法其附和開場之
羅保和安併搜出懷挾又復強辯之納拉善俱著發
往拉林種地至隨從開場及夾帶草稿字片之烏爾
布蘇等四十人本應如議發遣但既經責訓示懲俱
從寬令其在旗披甲永遠不准考試滿學教授旺衍
係專管伊等之人臨時既不能約束而大臣等詢問
伊尚模稜含糊不肯吐實著發往熱河披甲滿洲風

俗從來淳樸八旗子弟務以學習國語專精騎射為
事即欲學習漢文亦當潛心誦讀量力應考若自揣
不能成文而徒以傳遞懷挾妄興僥倖功名是方其
學習漢文時已視為玩法舞弊之具人品心術尚可
問耶即如正黃旗童生廷瑞年甫十歲前經朕親試
觀其氣質將來未始不可當差効力乃為之祖父者
不思導之以正轉令入場傳卷而所延館師江寧人
胡君治又代為作文託人傳進此外如海成倩作文

字之莊煥等俱以南省之人在京潛住誘人子弟以飽囊索此輩文本平庸在原籍既不能自取科第又不能為鎗手作弊而代旗童倖中則固屬游刃有餘黷法網利蠹害人心尤屬不淺應審明按律重擬以絕根株今旗童鬧場本案已經審明完結以後滿洲蒙古現任三品以上大臣之子孫及親兄弟子姪有應試者俱令自行奏聞必國語騎射皆有可觀方准入場考試並照鄉試之例請派監試御史及監場都

統各員前往彈壓此次莊存與所錄尚屬秉公而交
卷之人非鬧場之人可知著加恩仍准作生員再京
城旗童考試既多沿習舊名則盛京應試亦可概見
著交該將軍禮部侍郎及府丞詳悉定議具奏向有
不識事體者往往以各省駐防子弟應隨地准令赴
考以博樂育人才之名所見尤為乖謬斷不可行使
朕亦姑息從之則其為弊將必甚於輦轂之近豈可
勝言耶嗣後考試毋得濫行錄送著酌量人數核實

取錄以昭慎重其臨試時並著遵照條例嚴立關防
審擇考校從此陋習可除而各該學政亦得從容閱
卷不致魚目混珠之弊其於學校甚為有益著將此
通行曉諭知之

二十四年七月奉

上諭據禮部奏請八旗現任三品以上大臣子孫及親
兄弟之子可否令其入場鄉試一摺甚屬有意朦混
前因八旗童生入場滋事風尚澆漓在平日既不專

務八旗淳樸舊俗而徒博取虛名且流為舞弊惡習
不得不力為整頓是以令伊等自行奏明必其國語
騎射皆有可觀方准考試童生如此鄉試又何待言
乃立法伊始而本人並不自奏即冊送禮部禮部亦
即含糊具請希圖僥倖是誠何心若謂前旨專屬童
生而言則生員已經考試童生且不具論其貢監一
途人人可捐若不須陳奏是童生不得應小試轉可
避而應鄉試矣有是理耶其中係何情由著即明白

回奏仍將冊內開送應考十餘人之父兄一一查明具奏併令在京總理事務王大臣傳齊伊等令看此旨皆令其自行明白面奏朕法在必行毋謂小小伎倆可以嘗試也

又奉

上諭上年降旨令八旗三品以上大臣有子弟應試者自行奏明方准入闈特因旗童在場喧闐滋事是以為伊父兄示之節制俾知崇實黜浮破除積習非槩

從禁制遏其進取之途也乃今年鄉試屆期伊等既不遵旨自奏禮部又為含糊具請似此巧為嘗試將使故智益萌伊于胡底我八旗淳樸素風爛國語習騎射其人果有足錄均可量能擢用若科目者特備儲材一格耳今乃艷心詭遇又從而釣弋其名淵藪其弊是以國家啟迪後生之途轉為蠹壞人材之具可乎且我朝開國以來名臣碩輔莫不志秉忠忱才優韜畧初非從事佔畢者即仕躋大僚內而大學士

尚書外而總督巡撫勲名氣節指不勝屈大約皆出
於甲乙兩榜即近時大臣在科第中有名者不過如
鄂爾泰尹繼善一二人而已然其見用實以其心地
材幹初不以其文也其他倖列科名而名實不副者
亦指不勝屈若奉寬國柱者流以滿洲本色論之皆
不能至驍騎者而乃託名斯文平日又不肯潛心力
學惟事希心襲取視為功名捷徑甚至懷挾夾帶無
弊不作即立法嚴行搜檢而所派大臣非親即故俗

稱官官相護亦復有名無實此所關於風俗人心者甚鉅朕安得不力為振刷以挽頽風伊等至此尚不思痛自湔改一似竄身入闈即可僥倖萬一勢必欲朕盡停旗人鄉會試而後已乎所有禮部單開不循例自奏遽任子弟冊送考試之尹繼善等著將該部及該旗曾否抄錄前旨行知伊等之處令該部旗及本人明白回奏再行降旨至僧保住傅巖乃係內務府人員進身豈患無階而亦令子弟驚名科舉又顯

違旨不奏尤為庸妄著將僧保住傳嚴革職並將伊子弟革去生監在內務府庫使筆帖式上効力行走不准給俸俟五年無過該管官奏明另請挑差其朦混奏請之禮部堂官伍齡安等著交部嚴察議奏

是月又奉

上諭今歲鄉試屆期三品以上大臣子弟有未經遵例陳奏遽行送考者經朕降旨令該旗及本人明白回奏今據鑲黃正白正紅鑲藍滿洲正藍滿洲蒙古等

六旗覆奏以現在送考之人其父兄或在軍前或係外任俱未在京等語去歲此旨雖經行文然如永貴等現在軍營辦事無論伊等子弟在京應試與否無由而知即知之亦何暇陳奏此在該旗本應奏聞若外省督撫安居無事先期自行陳奏為是然伊等並未令子弟往考則不奏亦未為過而該旗何以仍將名冊咨送禮部是該旗明係瞻徇而又執例推諉均與不奏之本人無涉前已將朦混請旨之禮部堂官

交部嚴議所有瞻徇推諉之管旗王大臣著一併交部嚴行察議并將此通行曉諭八旗知之

三十年正月奉

上諭前經降旨八旗三品以上大臣子弟果有嫺熟國語練習弓馬者遇考試之期該父兄自行奏明准其入闈原因八旗淳樸素風近來未免沾染虛浮艷心詭遇且從而釣弋其名淵藪其弊是以示之節制俾知崇實黜華非概從禁制遏其進取之途也乃邇年

八旗大臣竟無奏請子弟應試者未免多生顧慮因
噎廢食伊等既不潛心力學而於國語騎射又未見
專功嫻習頓覺出色自不如兼收並進猶可為造就
之資也我國家滿洲世臣宣力贊政者多原不藉文
章一途但承平百餘年滿洲詞臣文藻黻飾亦不可
少大臣子弟中果能於國語騎射之外兼習文藝在
伊等延請師資擴充聞見較之寒素之家成材自易
嗣後所有八旗大臣子弟仍准一體考試無庸奏明

請旨倘伊等仍不以實學就考如前懷挾或進身之後仍蹈虛浮陋習托名斯文無裨實用朕又何難隨時懲治俾知所做惕乎可將此通諭知之

四十年二月奉

上諭據驗看舉人騎射之王大臣等奏稱應行考試者一百二十五人內報近視眼者七十三人已揀令二十人照常騎射外其餘實屬不能之五十三人俱未令其騎射等語馬步騎射係旗人根本即讀書人亦

不可不學今考試者一百二十餘人內報近視眼者
竟有七十餘人之多明係捏報希圖規避滿洲習氣
竟至若此實堪憤恨若以近視眼不能騎射哈達哈
即係近視眼此衆人之所共知伊何以隨朕畋獵打
牲乎此輩因不能騎射遂藉口以圖僥倖甚屬不堪
滿洲臣僕甚衆豈必賴此數人所有不能騎射之五
十三人俱著停其考試豐納亨等並未奏及惟請嗣
後交該旗大臣詳查報部派出大臣驗明後方准免

其騎射所奏殊屬姑息嗣後考試人內若有似此不能騎射者俱著停其考試著為例

以上順天府學生員

欽定八旗通志卷九十九

欽定四庫全書

欽定八旗通志卷一百

學校志七

奉天府學生員

駐防考試

八旗武生

奉天府學生員

天聰三年八月奉

太宗文皇帝諭曰自古國家文武並用以武功戡禍亂以文教佐太平朕今欲振興文治於生員中考取其文藝明通者優獎之以昭作人之典諸貝勒府以下及滿漢

蒙古家所有生員俱令赴考於九月初一日命諸臣公同考校各家主母得阻撓有考中者仍以別丁償之

九月初考試儒生分別優劣得二百人凡在包衣下及滿洲蒙古家為奴者盡皆拔出一等者賞緞二疋二等三等者賞青布二疋俱免二丁差徭

八年三月校取生員得二百二十二人四月合滿洲蒙古試之取中舉人十六名各免四丁

崇德三年八月考校生員凡一等十五名二等二

十八名三等十八名各

賜綢布授護軍校品級已入部者免二丁未入部者免一

丁

六年六月內三院大學士范文程希福剛林等奏
以滿漢蒙古士人考取秀才並舉人

上從容諭之曰忠經有云在官惟明蒞事惟平立身惟清
聽不可以不聽視不可以不明清則無欲平則無曲明
能正俗聰則審於事明則辨於理爾等善體此言從公

考校秋七月

賜一等秀才各緞一疋青布二疋二等秀才各緞一疋青

布一疋三等秀才各青布二疋

康熙十二年題准

盛京旗下子弟通習漢文者與

盛京民童一體考試漢文滿洲蒙古編滿字號漢軍

編合字號考取滿洲蒙古生員三名漢軍生員二

名

十五年議准停止八旗考試

二十六年

恩詔八旗准同漢人一體考試遵

旨議定

盛京八旗滿洲蒙古取進生員三名漢軍減去二名
取進生員一名鄉會試編入在京滿洲蒙古漢軍
數內一併考試

二十九年三月禮兵二部議覆兵科給事中能泰

疏言奉天府滿洲蒙古漢軍考取生員及監生生員鄉試應照京師八旗之例於未入場之先令奉天將軍副都統等驗射馬步箭能者准其考試不能者不准入場至會試時同京師舉人一體考試馬步箭應如所奏

詔從之

三十年覆准奉天滿洲蒙古增生員三名共取六名漢軍增生員二名共取三名

三十四年題准

盛京考取生員令添八旗內府滿洲漢軍佐領子弟
考試滿洲蒙古原取進生員六名再增四名共取
生員十名漢軍原取進生員三名再增二名共取
生員五名

三十五年題准子丁家有佐領官品級者有監生
部用以年滿考職者其子弟許在

盛京八旗漢軍內一同考試

三十六年題准

盛京八旗內府佐領子弟嗣後停其考取生員其三十四年添取滿洲蒙古生員四名漢軍生員二名額數俱行減去

四十九年覆准奉天為

發祥重地文風日盛各學廩增俱著加廣除府學廩增十名不必加外滿洲額設廩增一名各加三名漢軍額設廩增一名各加一名

五十五年覆准

昭陵千丁子弟照三十五年

福陵千丁子弟例在

盛京八旗漢軍內一體考試

又覆准奉天府合字號童生額進三名令漢軍人
數漸多又

福陵

昭陵千丁子弟准與漢軍一體考試應將漢軍取進之額

量增一名

五十七年覆准

永陵千丁子弟照

福陵

昭陵例與奉天漢軍童生一體應試

雍正元年題准

盛京八旗內府佐領下子弟復同滿洲蒙古漢軍一

體考試應照三十四年加額例滿洲蒙古於原取

六名外再增四名共取十名漢軍於原取三名外
再增二名共取五名合康熙五十五年所增千丁
子弟入學一名共取六名

二年覆准

盛京八旗考試舊例滿字號入學六名其廩增額各
四名合字號入學四名其廩增額各二名今添入
內府佐領下子弟考試既滿字號加四名共取十名
合號加二名共取六名其廩增額亦著照前二名

取一之例將滿號加補二名合號加補一名

又覆准奉天滿合字號應試者頗衆其滿字號於額取十名外再加一名共取十一名合字號於額取六名外再增二名共取八名

三年覆准

盛京幅輦廣濶其滿合生員共一百十九名俱隸奉天府學實則諸生散處千里之內教官耳目所不能及即教誨所不能周既無從稽其課程又何能

察其優劣嗣後移咨將軍衙門查明各該生居址
撥相近之州學縣學月課季考報舉優劣責令該
教官與本學民籍生員一體約束遇歲考之年令
該學申送府丞衙門考試一案發落其托故不到
者遵例行學除名至出貢補廩補增按其名次准
行至滿洲漢軍童生考試之前先令該將軍將各
童生居址開明咨送府丞衙門以憑進學撥歸附
近州縣等學永遠遵行

入覆准奉天府學滿字號額設廩生六名五年一貢積三十年方能出貢實為淹滯改為三年一貢以示鼓勵

雍正七年議定

盛京滿合字號原額六名者加取六名四名者加取四名

十三年

恩詔增廣學額一次隨於乾隆元年議定奉天滿字號照

中學例加取五名合字號照小學例加取三名

乾隆四十三年奉

上諭盛京為本朝根本重地兵丁皆知恪守舊風嫻騎射以裕武備現亦校閱分別賞賚其讀書之士亦漸摩文化蒸蒸日盛堪與畿甸比隆朕鑒輅所臨青衿獻詩趨近絃誦彬彬具見膠庠樂育自宜一體加恩用彰作人盛典著將盛京滿合二號及奉天所屬各學科考廣額一次其向取進六名以上者增額三名

四五名者增額二名三二名者增額一名該府丞其
悉心校錄甄別殊尤副朕嘉惠士林至意

四十八年九月奉

上諭將盛京滿合二號及奉天所屬各學歲考廣額一

次

謹案其廣額名數
與四十年同

以上奉天府學生員

駐防考試

雍正十二年九月禮部議覆副都統塞布肯奏八

旗外省駐防人等赴京考試只向該將軍城守尉
告假並不攜帶憑據隻身到京在本佐領下告稟
咨部准考其間恐有混冒頂替之弊仰請嗣後如
赴京考試者該將軍城守尉預先取具本人三代
年貌造滿漢清冊聲明某旗某佐領下人出具保
結咨送該旗再將該生之年貌註明出具印文給
發本人親身投遞在京本旗本旗憑印文查對造
冊報部考試則假冒頂替之弊自無矣奉

旨依議

又議定各省駐防生監應順天鄉試禮部于正月
行文各省駐防將軍副都統等處查明所屬應試
人數詳細造具滿洲漢軍清冊文分送在京各
旗核實徑送順天學政及國子監錄科

乾隆三年七月奉

上諭昨據叅領金珩奏稱八旗滿洲蒙古漢軍各省駐
防官弁子弟離京稍遠應試維艱請嗣後科歲兩試

令該將軍考試馬步箭即送附近府院考試酌量人數多寡以定去取等語朕思此事斷不可行雍正十年間曾奉

皇考諭旨國家之設駐防弁兵原令其持戈荷戟以備干城之選非令其攻習文墨與文人學士爭名於場屋也在弁兵之子弟有能讀書向學通曉文義者原聽其來京應試以廣進取之途並未嘗禁其從事文學今若悉准其在外考試則伊等各從其便競尚虛名而輕視武

事必致騎射生疎操演怠忽將來更有何人充駐防之用乎況我

聖祖仁皇帝臨御六十一年所有教養弁兵者至周至渥如果應行早已著為令典又何待今日之喋喋敷陳乎數年以來陳奏朕前者重見疊出不下百餘次其識見甚為庸鄙朕悉置之不論未嘗降旨申飭乃近日仍有不知而妄瀆者是以特行宣諭以覺愚蒙欽此仰見我皇考睿慮周詳

聖諭至為明晰朕臨御以來亦有以此陳奏者概未准行
蓋以滿洲蒙古漢軍在京者人數衆多就近考試原
無碍于操演至各省駐防官弁子弟為數無幾若科
歲考時不必來京就近在外應試不但事有難行且
必競尚虛名荒廢騎射殊失設立駐防之本意背謬
已極金珩身為叅領乃煌煌

聖諭豈竟毫無見聞而復混行瀆奏著嚴行申飭並將此
旨宣諭中外臣工嗣後不得以此謬論再行妄瀆

以上駐防考試

八旗武生

康熙四十八年十月奉

上諭朕觀八旗漢軍人等用於文職者多而用於武職者少嗣後武鄉會試亦著八旗漢軍人等考試所增額數不過數名可以收健勇人材之用於武科甚為有益

尋議八旗漢軍包衣素蒙

聖訓嫻習弓馬者多嗣後八旗漢軍包衣無品級筆帖式

烏林人由官學生補授之外卽閑散人等有願考
試武生者該旗開具姓名移送順天府照例考取
武生八十名鄉試時將所取武生并中書及部院
衙門六品七品八品筆帖式不論已上朝未上朝
廕生監生以及監生之披甲護軍領催拜唐阿有
願應武鄉試者該旗亦開列姓名移送順天府與
武生一體鄉試取中武舉四十名如不中式者仍
令當差會試取中武進士八名俱照文場格式另

編合字號奉

旨依議

雍正元年正月奉

旨八旗滿洲照常考試漢文秀才舉人進士外至於繙譯
技勇亦屬緊要應將滿洲人等考取繙譯秀才舉人進
士併武秀才舉人進士著總理事務王大臣會同該部
將作何考試額數多少之處定議具奏

尋議八旗滿洲人等亦照漢軍例考取武生四十

名舉人二十名進士四名其內場另編滿字號照
例考試至殿試亦照例舉行奉

旨依議

四年裁汰武學漢武生屬之儒學八旗武生屬之
滿洲儒學

十二年四月奉

旨停止八旗滿洲考試武場

以上八旗武生

欽定八旗通志卷一百

欽定四庫全書

欽定八旗通志卷一百一

學校志八

繙譯考試

蒙古繙譯

繙譯考試

謹案此門只載生員具舉人進士入之選舉志故不複贅

順治八年定滿洲蒙古考試能通漢文者繙漢文一篇未能漢文者作清字文一篇童生名冊俱由國子監造送順天府轉送內院禮部學政會同在貢院考取秀才

十四年停止考試

雍正元年奉

上諭八旗滿洲除照常考試漢字秀才舉人進士外繙譯亦屬緊要應將滿洲另以繙滿文考試秀才舉人進士尋議定滿洲蒙古能繙譯者三年之內考取秀才二次舉人一次進士一次其額數均俟臨期視人數多寡請

旨酌定所有考試秀才舉人一應事宜所用物件由順

天府辦理

又議定考取繙譯秀才由吏部行文翰林院各部
院衙門將滿洲翰林侍讀部院郎中等官由清漢
文出身精通繙譯者咨送吏部開列具題

欽點學政一員具考試之童生都統備造旗分佐領三
代履歷年貌清冊咨送禮部考試馬步箭送學政
於貢院內考試將四書直解內限三百字為題繙
滿文一篇其繙譯精通者聽考官選取之後將卷

冊交送禮部

又獲准繙譯考試新奉

特恩惟恐學習之人尚少於本年十月考取秀才一次雍正二年五月再行考取秀才一次

又議准八旗之滿洲蒙古於三年之內考取繙譯秀才二次其額數臨期奏請

欽定

三年獲准八旗漢軍現在部院之筆帖式及貢監

生員官學生照滿洲蒙古例俱准考試繙譯其秀才舉人進士額數亦臨期視人數多寡請

旨定奪

乾隆二年十二月奉

上諭從前

世宗憲皇帝軫念八旗前鋒護軍另戶領催披甲閑散內

能繙譯及繕寫清書之人例不准考無有進身之階

特降恩旨考試一次著交吏部照從前將八旗前鋒護軍

另戶領催披甲閑散內有情願考試繙譯及繕寫清書之人查明數目具奏考試一次內有最優者揀選具奏請旨

三年三月奉

上諭我朝國書義蘊精微向來工於繙譯者能得其神理於漢文大有裨益昔

聖祖仁皇帝時常將滿洲官員考試分別優劣以示鼓舞皇考世宗憲皇帝特開繙譯之科俾人人奮勉嚮學以圖

進取誠為盛典朕思現任官員不在鄉會之列者若不特加考試則優者無以表見或至怠惰日漸荒疎著禮部通行傳諭除一二品大臣外現任職官等有通曉繙譯者在部報明該部奏聞候旨考試

是年四月奉

上諭朕前降旨滿洲現任職員通曉繙譯者准在禮部報名考試今思八旗武職人員內平時講習繙譯亦不乏人如有情願赴考者准其報名該部一體考試

十二年正月議准考試繙譯舉人之年照文鄉試錄送之例將舊有繙譯生員禮部先期查明造冊送

欽點之大臣於鄉試前定期入場分別考試列在一二三等者准其鄉試其餘不准鄉試蒙古生員亦照此例辦理

十三年五月奉

上諭向來直省學政歲科兩試取進文武生童及鄉會

試中式舉人進士俱有定額惟繙譯科未有成例若不酌定額數或致多寡不均其如何定額之處著大學士會同該部妥議具奏

是月大學士張廷玉等議查歷年歲科滿洲繙譯童生約計八九百名及一千二三百名不等取進生員四五十名八九十名不等通計有十一二名取進一名亦有二十三四名取進一名具蒙古繙譯童生約八九十名及一百一二十名不等取進

生員或八九名或十三四名不等通計有五六名
取進一名亦有十名取進一名查滿洲蒙古漢軍
文童每次約計八九百名額進九十名在考試雖
事同一例然繙譯較之時藝似屬稍易據入場人
數繙譯與文童不甚懸殊若與文童一例取進恐
應試之人俱趨易途滿洲繙譯生員應照文童取
進之額每三名減去一名共減三十名嗣後滿洲
繙譯生員額取六十名至蒙古繙譯童生較之文

童應試者十分之一其取進之額亦應照文童額
每十名取進一名嗣後蒙古繙譯生員額取九名
再查滿洲蒙古漢軍每科應文鄉試者約計五六
百名額中四十一名滿洲繙譯自雍正年間始行
開科應試者無多取中者亦屬無幾至乾隆二年
迄今五科應試舉子與應試文舉之數目不相上
下而取繙譯舉人每多於文舉未免過濫應照文
舉人額數每十名減去二名共減八名滿洲繙譯

舉人額中三十三名蒙古繙譯舉人額中六名以上各額如無佳文應令考官遵照定例寧缺無濫即將來人文日盛取中之數亦不得有逾定額十四年奏准凡應繙譯鄉試者除生員已遵例錄科外其貢監天文生中書筆帖式等均一體錄科列在一二三等者方准鄉試

又奏准繙譯錄科題目照考試童生之例恭請

欽命

欽點大臣分別等第名次交禮部出榜曉諭應用供給
食物紙筆等費於大宛兩縣經費項下核銷

又奏准繙譯鄉試向例定期於十一月十二月內
舉行天寒晷短書寫頗難上科因天氣嚴寒改期
於次年二月致新進生員不及考箭不得觀光請
將繙譯科試定期於十月內舉行

十九年三月大學士公傳恒等遵

旨議准查八旗繙譯鄉會試之設原欲令滿洲人等學

習

國書並非專以科名為重乃近年以來八旗應試之人多事鏤刻字句希圖中式於實在緒譯之義轉覺相去愈遠且查康熙六十餘年之間並非以緒譯取士而其時之精通緒譯者未嘗不人才輩出是緒譯鄉會二試轉覺有名無實況八旗通曉漢文者既可專就文闡以博科第而曉習緒譯之人原皆可考取內閣中書及筆帖式庫使等項亦不

必藉鄉會試以為進身之階嗣後除繙譯生員應
仍照舊考試留為伊等考取中書筆帖式之地其
鄉會二試應請永行停止

三十二年十二月議准工部尚書託庸等奏考試
繙譯童生試卷繁多一二大員不能徧覽請照鄉
試例各部院衙門揀選精通繙譯司員於請點閱
卷大臣時隨同開列恭請

欽點四員協同校閱

三十八年十一月軍機處遵

旨將考試繙譯生童向來是否有一定月分交順天府
查奏據稱繙譯考試向來不拘月分迨乾隆十四
年六月經府尹胡寶琛等奏定於十月內考試導
行在案近年因凡有考試俱歸貢院且各旗咨送
文冊間有遲早是以考試繙譯有十一月十二月
不等此次正擬於十月內辦考因禮部適在貢院
考景山各學教習因暫停以待至十一月始行考

試

是年十二月山西道監察御史戈源奏緒譯童生
為旗人進身之階請照學臣錄取文章例先由本
旗都統嚴行考試然後奏派大臣錄取加派御史
二員點名再派王大臣逐名搜檢圍牆以外責成
步軍統領加意巡邏嚴竿傳遞其作文題目亦應
令考官早出俾諸生即日交卷不准給燭庶場規
肅而弊竇清奉

旨著照所請行

四十一年十一月議覆御史玉麟等條奏考試八旗繙譯童生事宜一摺與順天府所奏詳加閱對其所稱考試繙譯童生例在不應鄉試之年令定於十月未免日短天寒請嗣後改期於八月考試照例不准給燭之處業經順天府具奏奉

旨先行毋庸另議外至試期既改於八月日晷較長諸生可以從容繕寫應將該御史所奏前一日點名

入場之處毋庸議又該御史等稱八旗造送考冊
並未開明諸生年貌點名時各旗雖派一佐領到
場人數衆多豈能遍認恐不無頂冒之弊請嗣後
遇考試日期各旗專派正叅領一員率各佐領下
領催到場如童生中有不識認查係頂名冒替者
即時回明點名御史照例辨理等語亦為杜弊起
見事屬可行應如所請辦理

四十三年奏准繙譯童生向照文生之例三年兩

試惟乾隆四十一年順天府奏准繙譯童生定於
八月考試令鄉試定於八月舉行並今歲鄉試奉
旨定於七月初間舉行所有繙譯童生請改於五月考
試庶與鄉試兩不相礙

四十九年八月軍機處奏言查考試八旗繙譯生
員三年兩考係屬舊例並非由於臣工條奏此次
考試已定於八月二十六日舉行各事均已預備
考試題目現經

發下臣等嚴密加封仍由本日報上發回屆期交各該衙門遵辦其從前因何定以三年兩考之處亦由報交查俟禮部順天府覆到日臣等再將酌量減省章程另行請

旨

尋禮部順天府查覆軍機處覆奏查考試滿洲繙譯舉人係順治八年所定十四年停止雍正元年奉

上諭著總理事務王大臣會同該部將滿洲另繙滿文考試秀才舉人進士之處定議具奏欽此經王大臣等議定滿洲蒙古能繙譯者三年之內考秀才二次舉人一次進士一次乾隆十九年大學士傅恒等遵旨議將繙譯鄉會試二試停止嗣於四十一年奉

上諭繙譯鄉會試停止已久著加恩於戊戌己亥兩年舉行鄉會試嗣後每屆三年由部具奏其准考與否候旨定奪欽此欽遵在案至繙譯生員因留為伊等

考取中書筆帖式之地是以乾隆十九年傅恒等
定議時未經裁減臣等悉心酌議中書筆帖式既
准生員考取自可留此一途使八旗人等知進身
有階庶各留心學習繙譯但三年兩考未免為期
太近應請嗣後改作三年考試滿洲蒙古生童一
次奉

旨知道了

附禮部則例

欽定四庫全書

欽定八旗通志
卷一百一

一繙譯生員三年一考滿洲額進六十名蒙古額
進九名寧缺毋濫逢應考之年各都統備造童生
履歷清冊送順天府備卷屆期收考

一考試日作清字文論二篇由順天府丞先行禮
部開列滿洲蒙古各部院堂官題派閱卷大臣搜
檢王大臣又各衙門揀選精通繙譯之司員密送
禮部題派四員入場協同閱卷如有應迴避之子
弟宗族姻親開出扣除

一考試日於貢院編號給卷都察院奏派御史滿漢各一員兵部奏派兩翼副都統各一員叅領各二員入場彈壓

一試卷由閱卷大臣酌擬名次進呈發榜前一日提調官知會禮部堂官一員賞印入闈會同都統御史提調等至聚奎堂眼同閱卷大臣拆號填榜用印張掛其餘一切事宜由順天府承辦

以上繙譯考試

蒙古繙譯

雍正九年奉

上諭近見蒙古旗分人能蒙古語言繙譯者甚少相習日久則蒙古語言文字必漸至廢棄應照清文例考試蒙古文繙譯取中生員舉人進士以備理藩院之用如有學習漢書願就試漢文者照常准其考試於別部院補用如此則蒙古旗分之人益加鼓勵勤學蒙古文字不至廢棄而理藩院亦收得人之效矣著內閣會同理藩

院議奏

是年八月內閣會同理藩院議覆設科取士乃
國家之盛典我

皇上加意作人命將八旗蒙古內能蒙古文繙譯者另定
額考取此誠造就人材裨益庶政之至意臣等請
將八旗蒙古旗分內能蒙古文繙譯者照清文之
例三年內考取生員二次舉人一次進士一次其
考試生員派蒙古提督學政一員考試舉人進士

派蒙古正主考一員蒙古同考官二員俱由該衙門行取各部院蒙古大臣官員職名奏請

欽點其考試生員題目於清字日講四書內視漢文至三百字為准出題一道令其以蒙古文繙譯其考試舉人進士照此例以為首題再出清字奏疏一道為次題共二道令以蒙古文繙譯其應取生員舉人進士之數著考試官擇應取之卷併備卷奏請

欽定奉

旨依議

乾隆四十六年刑部侍郎喀寧阿奏准向來考試
蒙古生童之題即係滿洲生童應繙之文雖場分
東西各編號舍不令附近關通但考試領題俱在
一日恐考滿文者有照抄謄卷之弊嗣後考取蒙
古生童

勅交軍機處另擬滿文題目同漢字題目一併進呈

欽定頒發

四十九年奏准蒙古生童三年考試一次仍照舊

額取進九名寧缺無濫

以上蒙古繙譯



欽定八旗通志卷一百一

欽定四庫全書

史部

欽定八旗通志卷

一百二至
一百四

欽定四庫全書

欽定八旗通志卷一百二

選舉志一

謹案鴻濛初闢神聖挺生有天地即有君臣有君
臣即有任使掄才顯秀其自古以來乎唐虞夏商
既各有學校必各有選舉書闕有間遐哉莫得稽
矣其教育之方與升進之路端末一一可考者惟
周禮為詳顧其法不行於後世後世雖師其意亦

斷斷不能用其法也今之科第權輿於隋盛於唐
沿及宋與元明皆據文章為去取遂為百世不易
之規矣我

朝丕建鴻基自

太祖

太宗即旁求英人駕馭雄才泰顛闕大舉諸草茅汝鳩汝
方收諸敵國雖拔擢多方不拘資格而當阪泉征
戰之時先修辟離鼓鐘之業

臨軒策士髦俊雲蒸八旗子弟歌鹿鳴而躋華賓者班班可數

世祖章皇帝初分滿洲漢人為二榜戊戌以後合為一榜沿襲至今伏思

開國以來迄今百數十載

黃軒御宇而風后力牧贊其盛

帝媯垂衣而皋陶伯益效其功銘鐘鼎而紀旂常者指不

勝屈其人雖不盡出於科第然科第之中亦未嘗

竟無其人博以收之慎以簡之固亦古人三途並
用之義也謹各臚其規制沿革而以文武科第題
名有可考者列於後其考試中書考試筆帖式考
試恩監生同一衡文校士亦以類從至舊志有徵
辟一門竊惟彖彖束帛貢于邱園子牙干旌逮于
妹子此言原見於六經然山林隱逸乃有徵名幕
府賓僚乃加辟目今從龍世族莫非

聖朝之臣僕遞題斯號於義未安且其所錄又皆保薦

之徵員名實尤迂尤未可據以立制謹刪汰此門
用著核實之義焉

選舉志一

八旗科第一

八旗鄉會試緣起

天聰八年四月

命禮部考取通滿洲蒙古漢書文義者取中滿洲習滿書
者剛林敦多惠滿洲習漢書者察不害恩國泰漢

人習滿書者宜成格漢人習漢書者齊國儒朱燦
然羅繡錦梁正大雷興馬國柱金柱王來用蒙古
習蒙古書者俄博特石岱蘇魯木共十六人俱
賜為舉人宴於禮部各

賜衣一襲免人丁四名

崇德三年八月

賜新中式舉人羅碩常蘇胡邱阿濟格畢禮克圖王文奎
蘇宏祖楊方興曹京張大任于變龍等十一名各

朝衣一襲授半箇牛录章京品級免人丁四名

謹案是年所取舉人舊志未分析滿洲蒙古漢人令無可考核仍從原本載入

六年六月內三院大學士范文程希福剛林等奏以滿漢蒙古士人考取生員並舉人七月

賜新中式舉人滿洲鄂貌圖赫德蒙古杜當漢軍崔光前
卞三元章于天下為鳳各朝衣一襲

謹案此三年為開國以來設科取士之始其時雖以滿洲蒙古漢人

同為一榜而互考漢文滿文蓋後來鄉會試及考試繙譯俱發源於此故恭錄簡端以昭欽承之所

自

順治八年六月禮部議定凡遇應考年分鄉試取
滿洲五十名蒙古二十名漢軍五十名各衙門無
頂帶筆帖式亦准應試滿洲蒙古通漢文者繕譯
漢文一篇惟通滿文者作滿文一篇漢軍文字篇
數則如漢人之例會試取中滿洲二十五名蒙古
十名漢軍二十五名各衙門他赤哈哈番筆帖式
哈番俱准應試滿洲蒙古通漢文者繕譯漢文一

篇作漢文一篇惟通滿文者作滿文二篇漢軍文
字篇數亦如漢人之例八月以恭上

皇太后徽號

恩詔廣滿洲蒙古漢軍會試中額二十五名是科禮部奏

順天鄉試滿洲蒙古試卷應用滿洲內院禮部堂

官各一員為主考官其漢軍試卷仍聽漢主考官

閱定又議定本年鄉試明年會試漢軍文字第一

場書義二篇經義一篇如未通經者作書義三篇

二場論一篇三場策一道順治十一年鄉試十二年會試第一場書義三篇經義二篇二場論一篇判五條三場策三道至順治十四年鄉試十五年會試三場文字篇數乃與漢人一例

是年內三院會同禮部議定八旗鄉試會試

殿試均以滿洲蒙古共為一榜漢軍與漢人共為一榜

九年三月

殿試

賜一甲三名麻勒吉折庫納巴海等進士及第授修撰編
修與漢榜例同選滿洲庶吉士四員蒙古庶吉士
二員漢軍庶吉士四員

十二年三月

殿試停選漢軍庶吉士八月奉

上諭前選庶吉士因烏真超哈進士久在旗下已經習學
滿洲規矩不必與選二甲進士洪士銘亦照此例應選

知州念係經略輔臣洪承疇之子着以京官用三甲進士耿効忠係靖南王耿繼茂之子亦着以京官用俱察照應得職銜選授

十三年八月減滿洲舉人額十名進士額五名蒙古舉人額五名進士額五名漢軍舉人額五名十四年正月停止八旗考試

康熙二年八月復行滿洲蒙古漢軍鄉試取中滿洲二十一名蒙古十七名漢軍一百一十八名

六年九月復

命滿洲蒙古漢軍與漢人同場一例考試

八年七月定順天鄉試滿洲蒙古編滿字號共取
中十名漢軍編合字號取中十名會試滿字號取
中四名合字號取中三名

十一年禮部奏准滿洲蒙古亦照漢軍額數取中

副榜

舊志惟漢軍與漢人同試照漢人之例取中副榜五名

十五年十月停止八旗考試

二十六年奉

恩詔八旗准同漢人一體考試

二十八年覆准滿洲蒙古漢軍應鄉試之監生生
員均由兵部驗射馬步箭能射者准其移送順天
府入場鄉試

二十九年題准奉天府滿洲蒙古漢軍鄉試之監
生生員准奉天將軍副都統等驗射馬步箭能射
者交與該府丞分別考取移送鄉試

三十六年奉

上諭諭宗人府禮部國家樂育人才振興文教將使海內
英雋之士靡不蒸蒸蔚起矧宗室子弟系托天潢豈無
卓越之姿足稱令器允宜甄陶獎掖俾克有成考諸前
史以公族應制舉入仕者代不乏人今屬籍所載日益
繁衍除已授爵秩人員外閒散子姪素無職業誠恐進
取之途未闢致嚮學之意漸隳嗣後八旗宗室子弟有
能力學屬文奮志科目應令與滿洲諸生一體應試編

號取中如此則賦質英異者咸服習於詩書而學業成就者不阻抑於仕進凡屬宗支人人得以自効而於朕興賢睦族之至意亦用是以允愜焉爾等衙門即遵諭行

三十九年宗室子弟科舉會試奉

旨停止

五十四年定鄉會試兩翼

欽典都統各一人副都統各二人叅領各一人散秩官各

二人入場約束八旗士子試畢出場

雍正四年禮部奏准場內每翼派副都統一員叅
領一員章京一員與同考官一同進場稽查三場
已畢舉子出場時副都統章京等官一同出場

七年禮部議准每翼派賢能叅領一員於貢院磚
門外一同點名

又議准考試期近兵部咨取副都統叅領章京職
名時各該旗副都統即將本旗老成勤慎能識漢

字領催派出五名候宣

旨之日各帶至

午門預備

欽點副都統即帶本旗領催一同入場

又議准八旗考試文生員舉人進士四個月前禮

部行文該旗移取清冊於兩個月前送禮部會同

兵部校對如鄉試期近科試後即行造冊送部

又奉

上諭凡由舉人考試補用筆帖式者俱准其與舉人一體會試其由貢監考試補用筆帖式者亦准其考試繙譯舉人時一同考試皆所以廣育人才使之各有所成就也至於由貢監生員考取小京官筆帖式之員其中未必無通曉舉業文藝者若因其已經得官遂不得與於鄉試則彼平日之所學莫由表見亦屬可惜著通行八旗凡由貢監生員之考取小京官筆帖式者若願就鄉試俱准其與舉子等一同入場考試使片善寸長不致

遺棄以副國家教養人才之典

八年御史魏繹摺奏駐防杭州遠年開戶之正白旗漢軍舉人王之樑本旗不行咨送會試等語奉

旨舉人王之樑著交部一體會試

十一年吏部奏准嗣後令各該旗於考試之時將應考人員詳加分別滿洲漢軍開註明晰咨送順天府註冊考試如有漢軍冒入滿洲額內中式者一經查出將咨送之該旗都統佐領等官交部分

別照朦混造冊例議處該員照冒籍考試例革退
舉人庶滿洲漢軍不得混行考試

十三年十月奏准考試大典攸關良賤名分宜肅
查八旗開戶家人未歷不一當我

朝定鼎之初有投充者有養育者有俘掠者伊等本
係良民既經開戶即猶之復籍自應准其居官并
與考試至於旗下累世家奴實屬出身微賤或因
已經開戶當差効力著有勞績准其居官已為不

拘世類之寬典若并准其一體考試則與出身微賤不准考試之定例不符倘伊等廁名科目踐清華之列操衡鑑之司則所取士子俱出其門將來國家登庸選舉者無非科甲中人若出開戶之門於體統名分俱有攸關似非慎重名器之意請

勅下各該旗詳查來歷凡實係旗奴開戶者姑念自行檢舉其現任職官及拔貢生監俱免革退以廣

皇仁嗣後但許由旗下別途出身其本身及子孫一體考

試之例應永行禁止

乾隆三年議准滿洲漢軍考試各有一定籍貫惟
包衣人員有投充莊頭子弟隸內務府管轄編入
上三旗者又有舊漢人在內管領下及五旗王公
所屬包衣旗鼓佐領內者此等人員原係漢人因
考試之時俱由滿洲都統咨送是以從前每有在
滿洲額內入學中式者雍正十一年經吏部奏准
改正在案迄今日久包衣人員或有不知此例者

應行文內務府并八旗滿洲都統將雍正十一年
吏部奏准之後有包衣舊漢軍人悞在滿洲人內
入學出貢中式舉人應歸漢軍額內考試者定限
三個月逐一查明緣由取具該叅佐領印結造具
清冊咨送禮部存案俟鄉會試時禮部按冊查對
如仍有混行造入滿洲籍貫者即行叅奏將該管
官交部議處至嗣後包衣人員考試之時內務府
及八旗滿洲都統務須嚴飭該管官逐一查明實

係滿洲蒙古人員於本人名下註明滿洲蒙古字樣冊送外其投充莊頭子弟及內管領旗鼓佐領之舊漢人俱註明緣由另冊咨送禮部歸入漢軍額內考試其再有將應歸漢軍考試之人造入滿洲冊內咨送者一經查出禮部即行叅奏照吏部原議將該管都統佐領分別照朦混造冊例議處乾隆四年議准向來外省生員俱係隨棚補考而滿學生員不便於他處補試是以未經定有成例

嗣後學臣歲試滿學生員如有患病事故不能應試者定限於科考時補考即科考時仍有患病事故未能補考者定限於下次歲試補考統令該管官詳細查明并嚴加傳催務於限內補試至實有事故不能赴考由該旗該學造冊填註加結申送學臣如該生托故不到即行斥革該管官扶同徇庇一併議處應俱照舊例遵行再查各省駐防隨任之生員距京遙遠原與在籍諸生不同若槩令

赴京歲考其中多有未便若聽其竟不歲考亦屬
於例不符令酌議駐防隨任各生有來京鄉試者
即令補行歲考以符定制其因路遠及有事故不
能鄉試者仍照原議令該教官造具清冊註明某
生駐防某省某生隨任某處加結申詳學臣存案
但不許止應鄉試而不補歲試致滋規避之弊該
旗員及該學教官亦不許借端苛索倘有混稱駐
防隨任及已經考過仍復羈留者明屬徇情朦混

該都統即行查叅至隨任回旗之生仍查明欠考
次數照例補試

七年覆准先據鑲紅旗漢軍董國柱佐領下閒散
王載旭王載昱王載景王載防等呈稱竊載旭等
之祖王宏忠原係

盛京民人於康熙年間入於本旗佐領下作為另戶
後於雍正十二年間清冊旗人本佐領以載旭等
祖王宏忠因係民人入旗入於另記檔案之內歷

年俱准考試有案可查於乾隆六年九月內蒙大部等衙門會同八旗議覆開戶人等應否考試原卷內開另記檔案人戶誠恐冒濫唯此內有另戶抱養民人爲子另記檔案者本係良民應准考試等因在案今載旭之祖實係良民入旗另記檔案於另戶抱養民人爲子另記檔案者實同一體本旗以載旭等雖係另戶但已入另記檔案之內未便送考伏思旗人考試原分良賤抱養民人爲子

者因係良民得與考試載旭等民人入旗亦係良
民懇乞准與考試如虛情甘認罪等情經本部以
王載旭等於康熙何年月日因何事入旗作為另
戶另行記檔並伊祖王宏忠在關東時是何籍貫
之處詳悉查明過部以便辦理等因咨行去後今
於乾隆七年九月十五日准該旗咨稱查得聞散
王載旭等之祖王宏忠原係

盛京大梁河民人於康熙二十二年因伊表親周日

宣由敬謹親王包衣撥出約同王宏忠一同入旗
於此佐領下作為另戶乾隆元年辦理時王載旭
等之父王朝璘在福建總兵任內尚未歸旗仍以
另戶開造後於乾隆二年來京始將民人投旗緣
由自行出首咨部另記檔案後於乾隆五年閏六
月內又將王宏忠民人之處遵照戶部議覆平郡
王查奏正紅旗漢軍戶口條例內民人冒為旗人
混入丁冊作為另戶者照民人養子另記檔案之

例造入黃冊本旗奏明咨部另行記檔在案等因
前來查乾隆六年九月內本部等衙門議覆正白
旗漢軍都統條奏考試

大典攸關等事一摺內開八旗另記檔案人戶其中
未歷不一雖於開戶有間實非另戶可比如令得
與考試誠恐冒濫惟此內有另戶抱養民人另記
檔案者本係良民應准其考試等因具題奉

旨依議欽此欽遵通行在案今王載旭之祖王宏忠該

旗既稱原條

盛京大梁河人於康熙二十二年因伊親周日宣約
同入旗作為另戶復經平郡王條奏照民人養子
另記檔案之例另行記檔等語是王載旭等雖於
考試之例相符但考試大典未便草率相應仍咨
該旗查例將王載旭等年貌履歷三代出具保結
送部到日准其考試

九年議覆戶科給事中周祖榮奏嗣後八旗鄉試

禮部先期行文八旗將應考生監人等造冊送部
即咨送兵部考試馬步箭合式者造冊劄發順天
府仍一面劄行順天學政嚴傳八旗生員前赴科
考及錄遺併令國子監傳示貢監一體錄科俱各
憑文錄取造冊移送順天府該府尹查明科冊箭
冊俱有名者方准入場如科冊有名而箭冊無名
及箭冊有名而科冊無名者俱不准應試

十二年准國子監咨稱查由貢監出身之現任小

京官筆帖式等官及在部候選官員查此項人等
本監向未考送今八旗貢監錄科事宜係初定章
程本監無從遵辦相應咨呈禮部定議示覆以便
遵照辦理等因到部查乾隆九年十月內本部議
准戶科給事中周祖榮條奏八旗貢監令國子監
傳示一體錄科憑文錄取造冊移送順天府該府
尹核對科箭兩冊有名者方准入場並無將考箭
合式之人本部造冊劄監錄科之語且考箭後再

行冊送錄科則為期甚迫難以從容辦理相應劄
行國子監遵照原議將各該旗送到貢監按名傳
示錄取移送至現任小京官筆帖式及在部候選
等官原因其係貢監出身所以准其一體應試查
直省現任教職例由學政考送鄉試今現任小京
官筆帖式及在部候選人員事同一例相應劄行
國子監凡伊等由貢監出身者應照例由監一體
錄科其由生員出身者仍赴學政衙門錄科

二十年奉

上諭八旗陳滿洲因到京年久向有考試之例故姑從
而留之東三省新滿洲烏拉齊與在京滿洲等不同
正宜熟習騎射為國家之用嗣後東三省滿洲烏拉
齊等考試之處著永行停止

二十一年吏部等部議准八旗另記檔案及養子
開戶人等為民一案內開其一應舉貢生監查乾
隆六年題准八旗開檔人等止許另戶抱養民人

另記檔案者准其在旗考試其一切開戶另記檔案人等槩行禁止考試等因在案今八旗另記檔案人等荷蒙

恩旨俱令出旗為民應照各該旗造送之冊將此項另記檔案文武舉人文武生員貢生監生繙譯舉人生員仍照從前舊例原係另戶抱養民人為子者歸入民籍仍准考試如本係家奴開戶另記檔案者其本身係文武舉人生員貢生監生繙譯舉人

生員准頂帶終身不准再行考試再此項人等既經出旗為民所有子孫應各照該籍民人例一體辦理

是年禮部覆准查八旗錄送鄉試文生員由學政錄科貢監生等由國子監錄科俱由各旗造冊咨送順天學政及國子監辦理今本年鄉試除各旗送到應試人等本部轉送兵部考試騎射外所有各旗送到繙譯生員應文鄉試之處查乾隆十六

年有繙譯生員呈請文鄉試之唐侃等二名經本部行文該旗自行造冊咨送學政錄科在案令各旗送到文鄉試冊內有繙譯生員五十餘名除本部咨送兵部考試騎射外其餘科之處應令各該旗自行查明另造清冊徑送順天學政錄送鄉試

二十二年奉

上諭八旗童生生員遇歲科考試時停其考試騎射由舉人考試進士時仍照舊兼試馬步箭伊等若馬

步箭不好即將名開除不准會試

二十四年奉

上諭此後滿洲蒙古現任三品以上大臣子弟伊親兄弟子姪有應試者令伊奏聞務必清語騎射皆有可觀方准考試

又奉

上諭據禮部奏請八旗有現任三品以上大臣子孫及親兄弟之子可否令其入場鄉試一摺甚屬有意朦

混前因八旗童生入場滋事風尚澆漓在平日既不
專務八旗淳樸舊俗而博取虛名且流為舞弊惡習
不得不力為整頓是以令伊等自行奏明必具國語
騎射皆有可觀方准考試童生如此鄉試又何待言
乃立法伊始而本人並不自奏即冊送禮部禮部亦
即含糊具請希圖僥倖是誠何心若謂前旨專屬童
生而言則生員已經考試童生且不具論其貢監一
途人人可捐若不須陳奏是童生不得應小試轉可

避而應鄉試矣有是理耶伍齡安等自問能登答此
旨乎其中係何情由著即明白回奏仍將冊內開送
應考十餘人之父兄一一查明具奏并令在京總理
事務王大臣傳齊伊等令看此旨令其自行明白回
奏朕法在必行毋謂小小伎倆可以嘗試也

又奉

上諭上年降旨令八旗三品以上大臣有子弟應試者
自行奏明方准入闈特因旗童在場喧鬧滋事是以

為伊父兄示之節制俾知崇實黜浮破除積習非槩
從禁制遏其進取之途也乃今年鄉試屆期伊等既
不遵旨自奏禮部又為含糊具請似此巧為嘗試將
使故智益萌伊於胡底八旗淳樸素風嫻國語習騎
射其人果有足錄均可量能擢用若科目者特備儲
材一格耳今乃豔心詭遇又從而釣弋其名淵藪其
弊是以國家啟迪後生之途轉為蠹壞人才之具可
乎且我朝開國以來名臣碩輔莫不志秉忠忱才優

韜略初非從事咕嗶者即仕躋大僚內而大學士尚書外而總督巡撫勲名氣節指不勝屈大約皆非出於甲乙兩榜即近時大臣在科第中有名者不過如鄂爾泰尹繼善一二人而已然其見用實以其心地材幹初不以其文也其他倖列科名而名實不副者亦指不勝屈若奉寬國柱者流以滿洲本色論之皆不能至驍騎校者而乃托名斯文平日又不肯潛心力學惟事希心襲取視為功名捷徑甚至懷挾夾帶無

弊不作即立法嚴行搜檢而所派大臣非親即故俗
稱官官相護亦復有名無實此所關乎風俗人心者
甚鉅朕安得不力為振刷以挽頽風伊等至此尚不
思痛自湔改一似竄身入圍即可僥倖萬一勢必欲
朕盡停鄉會試而後已乎所有禮部單開不循例自
奏遽任子弟冊送考試之尹繼善等著將該部及該
旗曾否抄錄前奉諭旨行文知會伊等之處令該部
旗及伊等本人據實明白回奏再降諭旨至僧保住

傅巖乃係內務府人員進身豈患無階而亦令子弟
驚名科舉又顯違旨不奏尤為庸妄著將僧保住傅
巖革職並將伊子弟革去生監在內務府庫使上効
力行走不准給俸俟五年無過該管官奏明另請挑
差其朦混奏請之禮部堂官伍齡安等著交部嚴察
議奏

三十年奉

上諭前經降旨八旗三品以上大臣子弟果有嫻熟國

語練習弓馬者遇考試之期該父兄自行奏明准其
入闈原因八旗淳樸素風近來未免沾染虛浮艷心
詭過且從而釣弋其名淵藪其弊是以示之節制俾
知崇實黜華非概重禁制遏其進取之途也乃邇年
來八旗大臣竟無奏請子弟應試者未免多生顧慮
因噎廢食伊等既不潛心力學而於國語騎射又未
見專攻嫻習頃覺出色自不如兼收並進猶可為造
就之資也我國家滿洲世臣宣力贊政者多原不藉

文章一途但承平百餘年滿洲詞臣文藻黻飾亦不可少大臣子弟中能於國語騎射之外兼習文藝在伊等延請師資擴充聞見較之寒素家成材自易嗣後所有八旗大臣子弟仍准一體考試毋庸奏明請旨倘伊等仍不以實學就考如前懷挾或進身之後仍蹈虛浮陋習托名斯文無裨實用朕又何難隨時懲治俾知儆惕乎可將此通諭知之

三十一年禮部咨覆

東陵總管請

昭西陵八品筆帖式伊常阿由文舉人出身援正黃旗筆
帖式玉德保中等俱係文舉人用知縣由知縣降
級調用筆帖式俱准會試之案咨部考試前來查
乾隆二十八年正月內准吏部咨稱歷來凡已任
知縣之舉人因不勝民牧之任以教職改補未經
得缺之前有呈請會試者本部據呈咨送會試至
八旗舉人曾任知縣亦由不勝民牧以筆帖式改

補之員與改教人員事同一例自應一體准其會
試如其中有題叅革職降調以筆帖式改補之員
不得援照此例等因在案今筆帖式伊常阿既稱
係題叅才力不及降補筆帖式之員自不便援例
會試相應咨覆

東陵總管衙門辦理

四十年奉

上諭據派出驗看本年會試舉人騎射王大臣等奏稱

應行考試者一百二十五人內報近視眼者七十三人已揀令二十八照常騎射外其餘實屬不能之五十三人俱未令其騎射等語馬步騎射係旗人根本即讀書人亦不可不學令考試一百二十餘人內報近視眼者竟有七十餘人之多明係捏報希圖規避滿洲習氣竟至若此實堪憤恨若以近視眼不能騎射哈達哈即係近視眼此衆人之所共知伊何以隨朕畋獵殺牲乎此輩因不能騎射遂藉口以圖僥倖

甚屬不堪滿洲臣僕甚衆豈必賴此數人況此等無
用人內將來亦斷不能得人所有不能騎射之五十
三人俱著停其考試豐訥亨等並未奏及惟請嗣後
交該旗大臣詳查報部派出大臣驗明後方准免其
騎射所奏殊屬姑息嗣後考試人內若有似此不能
騎射者俱著停其考試著為例再此輩明係捏報該
旗大臣等所司何事因何出結送部著軍機大臣查
明奏聞

四十二年議准兼管順天府尚書袁守侗等條奏
八旗貢監生員鄉試及歲科考試文章由部查取
旗冊之處俱行停止一疏內開查八旗諸生應試
名冊其中有無遺漏舛錯雖須詳查辦理但各該
生是否准其入場向由順天學政及國子監考錄
之後方許投卷究非專據旗冊收考且八旗生員
徑赴順天學政錄科貢監徑赴國子監錄科則應
造名冊即可由各旗移送該學政及該監查辦以

歸簡易應如所奏嗣後八旗貢監生員應鄉試者
先由順天學政及國子監行文各該旗造冊移送
錄科後徑送順天府准其投卷入場其由禮部查
取旗冊轉發之處應行停止至八旗童生歲科兩
考亦應如所奏毋庸由部取冊轉發即由該府丞
查取旗冊辦理再查考試繙譯舉人生員各冊并
請由各該旗徑送順天府核辦以昭畫一

四十三年禮部奏准宗室停考一摺內稱據順天

學政汪廷璵將文生員現充滿教習宗室榮恒候
補筆帖式宗室克誠均係進學之後復還宗室可
否鄉試之處呈明核定等因伏查上年二月奉

旨朕前降旨將英親王阿濟格子孫均復還黃帶子叙
入宗譜乃推廣

皇祖恩意俾其子孫得列天潢今據吏部奏稱後入宗室
之現任人員俱應一體出缺以宗人府職官對品改
補固屬遵照定例但念伊等向列仕籍原在未得黃

帶子之前若因此而令將現缺全出候補無期是朕
此次施恩惟使其宗支奕世蒙庥而現在職官轉不
得同時被澤矣著加恩將此項改歸宗室之現任京
外人員其本身均留原職仍與滿洲人員一體陞轉
毋庸出缺改補其現在候補候叙人員亦仍以滿洲
員缺照舊銓用其未經出仕之子孫自當照宗人府
舊例行至官學生係尚未出仕之人即改歸宗學欽
此欽遵在案查宗室考試之例久經停止英親王

子孫既復宗室自後例應不入考試今該學政咨
稱文生員現充滿教習宗室榮恒候補筆帖式宗
室克誠可否鄉試之處查該二員現係候補候叙
已蒙

恩旨仍以滿洲員缺照舊銓用其取中文生員雖在未
復宗室以前應照宗人府舊例不必錄送鄉試奉
旨知道了

以上八旗鄉會試緣起

欽定八旗通志卷一百二